

आकाशवाणी

खास-खास खबरों

1. प्रधानमंत्री नरेन्द्र मोदी होरें बक्ख-बक्ख विभागें च नमें भर्ती होए दे नौजवानें गी 51 ज्हार नियुक्ति पत्र तक्सीम कीते- उनें आखेआ भारत पूरी दुनिया दे बक्ख-बक्ख मुखें कन्नै नौजवानें गी मौकें देने- रोजगार मुहेइया करोआने ते विश्व स्तह पर मंच हासल करोआने लेई रलियै कम्म करा रदा ऐ।
2. भारत ते अमरीका नै व्यापक वैश्विक सामरिक भ्याली गी तगड़ा करने लेई अपनी वचनबद्धता फही पक्की कीती ऐ।
3. बिहार सरकार औंदे 5एं बरे राज्य च इक लक्ख शिक्षकें दी नियुक्ति करोग।
4. CBSE नै 12मी जमाते दे स्तेहानें गितै अपने पर्चे दियां स्कैन होई दियां फोटो-कॉपियां हासल करने दी तरीक कलै तक्कर बदाई दिती ऐ।
5. विश्व सेहत संगठन नै कोंगो च एबोला दे बुंडिबूगियो Strain दे मानवता गी सेहतू दे खतरे गी मते शा बड़ा मता दस्सेआ ऐ।
6. ते IPL क्रिकेट च लखनऊ सुपर जायंटस ते पंजाब किंग्स दा मकाबला हुनै थमां किश चिरे मगरा लखनऊ च होग।

<><><><><><>

PM -Rozgar Mela

प्रधानमंत्री नरेन्द्र मोदी होरें वीडियो कांफ्रेंसिंग राएं 19में रोजगार मेले तैहत बक्ख-बक्ख सरकारी विभागें ते संगठनें च नमें नियुक्ति कीते गेदे नौजवानें गी 51 ज्हार शा मते नियुक्ति पत्र तक्सीम कीते। रोजगार मेला पूरे मुखें दियें 47एं थाहरें पर लगगा। नमें भर्ती कीते गेदे मेदवार बक्ख-बक्ख मंत्रालयें ते विभागें च जियां रेलमंत्रालय- गृह मामलें- सेहत ते परोआर कल्याण मंत्रालय ते उच्च शिक्षा विभाग च अपनियां सेवां देगंन। रोजगार मेले गी सम्बोधित करदे होई प्रधानमंत्री होरें जोर पाइयै आखेआ जे सरकारी नौकरियां दैसे दे नागरिकें दा जीन सखल्ला करने दा इक अहम जरिया न। श्री मोदी होरें आखेआ जे देसा नै अपनी कर्मयोगियें पर पूरा विश्वास दस्सेआ ऐ ते एह हून उन्दी जिमेबारी ऐ जे ओ अपनी लगन ते तनदेही ते व्यवहार कन्नै इस विश्वास गी होर तगड़ा करन।

प्रधानमंत्री नरेन्द्र मोदी होरें अज्ज वीडियो कांफ्रेंसिंग राएं रोजगार मेले दे 19में गेड़ तैहत पूरे मुखें दे नौजवानें गी 51 ज्हार नियुक्ति पत्र बंडे। जम्मू च उत्तरी रेल जम्मू डिविजन आसेआ इस प्रोग्राम दा आयोजन कन्वेंशन केन्द्र च कीता गेदा हा- जित्थे जम्मू-कश्मीर दे 220एं मेदवारे गी नियुक्ति पत्र बंडे गे। सरकार दी रोजगार मुहीम दे इक हिस्से दे तौर पर चलाई गेदी इस भर्ती मुहीम दा मकसद नौकरियां पैदा करना ते आत्मनिर्भर भारत दी सोच गी अगै बधाना ऐ। बक्ख-बक्ख विभागें ते मंत्रालयें जियां रेलवे- गृह मामले- सेहत ते परोआर कल्याण ते उच्च शिक्षा ते होरनें च नियुक्तियां कीतियां गेइयां न। राजस्थान च रोजगार मेले जयपुर-जोधपुर-अजमेर ते बिकानेर च लोआए गे जित्थे इक ज्हार इक सौ नौजवानें गी नियुक्ति पत्र बंडे गे। रेल मंत्री अश्विनी वैष्णव होरें जयपुर च राज्य स्तह दे रोजगार मेले च शिरकत कीती। पंजाब च 19मां रोजगार मेला दंडू थाहरें आयोजित कीता गेआ। इक रेल कोच फैक्ट्री कपूरथला च ते दूआ पटियाला च जित्थे 281एं लाभकारियें गी नियुक्ति पत्र बंडे गे।

<><><><><><>

Marco India Visit

अमरीका दे विदेश सचिव मार्को रुबियो अज्ज दपैहरी नमीं दिल्ली पुज्जे। ओह इस महीने दी 26 तरीक गी नमीं दिल्ली च होने आहली क्वाड विदेश मंत्रियें दी बैठक च हिस्सा लैने लेई भारत दे चार दिनें दे दौरै पर न। श्री रुबिया होरें अज्ज “सेवा तीर्थ” च प्रधानमंत्री नरेन्द्र मोदी हुंदे कन्नै मुलाकात कीती। प्रधानमंत्री नरेन्द्र मोदी ते अमरीकी विदेश मंत्री मार्को रुबियो होरें अज्ज भारत –अमरीका व्यापक वैश्विक रणनीतिक सांझेदारी च लगातार होआ रदी प्रगति- क्षेत्रीय ते वैश्विक शांति ते सुरक्षा कन्नै जुड़े दे मुद्दे पर चर्चा कीती। विदेश मंत्री मार्को रुबियो होरें अज्ज नमीं दिल्ली च “सेवा तीर्थ” च प्रधानमंत्री नरेन्द्र मोदी हुंदे कन्नै मलाटी कीती। श्री मोदी होरें इक सोशल मीडिया पोस्ट च आखेआ जे भारत ते अमरीका वैश्विक भलाई लेई सहयोग करदे रौहगंन। इस बैठक च विदेश मंत्री डाक्टर जयशंकर ते राष्ट्रीय सुरक्षा सलाहकार अजीत डोभाल होर बी मौजूद हे। प्रधानमंत्री हुंदे दफ्तर ने इक ब्यान च आखेआ ऐ जे सचिव रुबियो होरें प्रधानमंत्री मोदी होरें गी रक्षा-रणनीतिक तकनीकें-बपार ते नवेश- ऊर्जा सुरक्षा- Connectivity- शिक्षा सनें केंई क्षेत्रें पर दपक्खी सहयोग च लगातार प्रगति बारे जानकारी दिती।

<><><><><><>

Defence Ministry- Maroon Beret

भारतीय वायु सेना नै उत्तर प्रदेश दे वायु सेना स्टेशन चंडीनगर च मैरुन बेरेट सैरिमोनियल परेड कन्नै अपने स्पेशल फोर्स दे ऑपरेशन दी सिखलाई गी सफलतापूर्वक पूरा कीता। Air Vice Marshal Rahul Gupta/ Assistant Chief of Air Staff Operation (Space) होर मुख् परौहने दे तौरा पर परेड दी समीक्षा कीती। नमें सिरिया शामिल कीते गेदे कमांडों गी सम्बोधित करदे होई Air Vice Marshal Rahul Gupta होरें इस सखलाई कार्यक्रम गी सफलतापूर्वक पूरा करने लेई बधाई दिती। उ'नें बदधी सुरक्षा चुनौतियें कन्नै निबड़ने लेई विशेष बल दे हुनर गी लगातार निखारने दे महत्व पर जोर पाया।

<><><><><><>

Bihar- Teachers

बिहार दे मुख्मंत्री सम्राट चौधरी होरें ऐलान कीता ऐ जे अगले 5एं बरे च रियासत च इक लक्ख अध्यापकें दी नियुक्ति कीती जाहगा। शिक्षा मैहकमे दी इक उच्च स्तरीय समीक्षा बैठक दरान मुख्मंत्री होरें अधिकारियें गी निर्देश दिता जे ओ हर बरे घट्टो-घट्ट 20 ज्हार अध्यापकें दी नियुक्ति गी यकीनी बनाना। उ'नें आखेआ जे नियुक्ति प्रक्रिया गी सुचारु बनाने लेई जुलाई महीने च हर बरे अध्यापकें दी नियुक्ति लेई अधिसूचना जारी कीती जाहगा। उआं शिक्षा मंत्री मिथिलेश तिवारी होरें आखेआ ऐ जे मुख्मंत्री हुंदी इस घोषणा कन्नै अध्यापकें दी नियुक्ति परिक्षा TRE-4 दे चौथे चरण कन्नै जुडी दी जेहडी जक्को-तक्की चला रदी ही ओदे पर रोक लगगी गई ऐ। उ'नें आखेआ जे शिक्षा मैहकमा तौले गै खाली पेदे अध्यापकें दे पदें दा आकलन करोग ते होर मती भर्ती लेई ताजा मंगें गी भेजोग।

<><><><><><>

Free Bus NEET Bihar

बिहार सरकार नै 21 जून गी परतियै होने आहले NEET UG दे स्टेहान च हाजर होने आहले सम्भनें विद्यार्थियें लेई सरकारी बसें च मुफ्त यात्रा दा ऐलान कीता ऐ। सोशल मीडिया पोस्ट च मुख्मंत्री सम्राट चौधरी होरें आखेआ ऐ जे रियासत दे सम्भनें NEET UG देने आहले विद्यार्थियें गी सरकार बसें च मुफ्त यात्रा करागा। मुख्मंत्री होरें प्रशासन-मंदरें ते गैर सरकारी संगठनें गी बी अपील कीती ऐ जे ओह विद्यार्थियें ते उन्दे माता-पिता लेई बस स्टैंड- रेलवे स्टेशनें ते होरनें थाहरें पर पीने दे पानी ते सतू दा प्रबंध करने च मदद करना।

<><><><><><>

CBSE Photocopies

CBSE ने 12मीं क्लास दे बोर्ड दे स्टेहान लेई उत्तर पुस्तिकाएं दी स्कैन कीती गेदी फोटोकॉपी लैने दी अखीरी तरीक गी कल तक्कर बधाया ऐ। एहदे कोला पैहले खीरी तरीक अज्ज ही। CBSE ने आखेआ ऐ जे एह फैसला उसदी वेबसाईट पर पिच्छले किश दिनें थमां सैबन आई दी रूकावटें दा सामना करने दे बाद लैता गेआ ऐ। बोर्ड नै आखेआ जे अपनी Scanned Answer Copy मिलने परैन्त उसी Re-evaluation करने लेई विद्यार्थियें गी दो दिन मिलगंन। CBSE ने आखेआ ऐ जे विद्यार्थी बधाए गेदे समें दा इस्तेमाल करना ते एदे मताबक प्रक्रिया गी पूरा करना।

<><><><><><>

Oil Companies

इंडियन ऑयल नै ग्राहकें ते आम लोकें गी भरोसा दोआया ऐ जे मुख् च पेट्रोल ते डीजल दी कुल तौरा पर कोई कमी नैई ऐ। इक ब्यान च Oil Marketing Company नै आखेआ ऐ मौजूदा स्थिति किश Retail Outlets पर दिक्खने गी लब्बी ऐ- जेहदे नै उत्थे दी मंग ते बिक्री पैटर्न च असंतुलन दे कारण एह स्थिति उत्थे होई ऐ। Indraprastha Gas Ltd. नै अज्ज CNG दी कीमतें च इक रपे दी बढ़ोतरी कीती ऐ। कीमतें च बाढ़ा करने दे बाद राश्ट्री राजधानी च 1 Kg. CNG दी नमीं कीमत 81. 09 रपे होई गई ऐ।

<><><><><><>

Ayushman Bharat -WB

“आयुष्मान भारत” योजना पच्छिम बंगाल च इस बरे जुलाई थमां शुरु होग। मुखमन्त्री Suvendu Adhikari होरें अज्ज कोलकाता च केन्द्री सेहत मंत्री जे.पी. नड्डा हुंदे कन्नै वर्चुअल ढंग्गै राएं मीटिंग बाद एह घोषणा कीती। राज्य सेहत योजना “स्वास्थ्य साथी” तैहत मौजूदा लाभार्थियों गी “आयुष्मान भारत” योजना च शामिल कीता जाहगा।

<><><><><><>

WHO Ebola

विश्व स्वास्थ्य संगठन नै कांगो च इबोला बुंडीबुग्यो स्ट्रेन कन्नै होए दे सार्वजनिक स्वास्थ्य खतरे गी राश्ट्री स्तर उप्पर उच्चतम करी दिता ऐ। WHO दे महानिदेशक होरें आखेआ ऐ जे राश्ट्री स्तर पर ते क्षेत्रीय स्तर पर खतरा बड़ा ते वैश्विक स्तर पर थोड़ा घट्ट ऐ। उ’नें दस्सेया जे इस संक्रमण कन्नै अजे तक्कर 82 मामले सामने आए ऐ। एहदे कन्नै 7 लोकें दी मौत होई गई ऐ। WHO ने इस थमां पैहले इस प्रकोप गी अंतराश्ट्री चैंता आहली जन सेहत आपातकाल घोषित कीता हा।

<><><><><><>

LG Nasha Mukta

लैफ्टिनेंट गवर्नर मनोज सिन्हा होरें अज्ज शोपिया च “नशा मुक्त जम्मू-कश्मीर पदयात्रा” च हिस्सा लैता- जित्थे मौजूद समाज दे बक्ख-बक्ख वर्गें दे लोकें जम्मू-कश्मीर दी हर नुक्करै थमां नशीली दोआइयें दी तस्करी करदे आतंकवादियें गी खत्म करने दा धेइया कीता। मौजूद किट्ट गी सम्बोधित करदे होई लैफ्टिनेंट गवर्नर होरें आखेआ जे नशीली दोआइयें खिलाफ 43 दिन पैहले जम्मू च जेड़ा इक आंदोलन शुरु कीता गेआ हा ओ हून इक तगड़ा जन-आंदोलन बनी गेदा ऐ ते जेड़ा इस गल्लै दी तस्दीक करदा ऐ जे नमां युग शुरु होआ रदा ऐ। उ’नें आखेआ नशीले पदार्थ नौजवानें गी तरक्की थमां दूर करा’रदे ना। उ’नें आखेआ आतंकी गुप नशीले पदार्थ बेचियै जेड़ा पैसा थोन्दा ऐ ओहदे नै हथियार खरीददे न ते फही उ’नें हथियारें कन्नै आम कश्मीरी गी लहु-लोहान करदे ना। लैफ्टिनेंट गवर्नर होरें आगाह कीता जे नशीली दोआइयें दे नैटवर्क कन्नै कुसै दी बी वाबस्तगी कन्नै भाहें ओ अफसर गै की नैई होन सख्ती कन्नै निबड़ेआ जाहगा।

<><><><><><>

Encounter Rajouri

जिला राजौरी दे जंगल आहले इलाके डोरीमल च अज्ज सुरक्षाबलें ते आतंकवादियें बश्कर इक टाकरा भखी पेआ। सेना दी व्हाईट नाइट कोर आसेया जारी इक सोशल मीडिया पोस्ट मुजब अज्ज बडुलै कोई साढ़े 11 बजे गंभीर मुगलां इलाके च जम्मू-कश्मीर पुलसै ते CRPF कन्नै इक संयुक्त खुफिया अभियान दौरान आतंकवादियें कन्नै सम्पर्क स्थापित होई गेआ। अधिकारियें दस्सेया जे सुरक्षाकर्मियें गोली बारी दा फौरन बनकदा परता दिता। इलाके दी घेराबंदी करी लैती गेदी ऐ ते अभियान अजे चला रदा ऐ।

<><><><><><>

Asia U23 Wrestling Championship

कुश्ती ते भारतीय पलोआन सूरज विश्व ते सागर सिंह होरें अज्ज Vietnam दे Dan Nang च Asia Under 23 Wrestling Championship च मर्दे दी Greco-Roman Categories दे फाईनल च पुज्जियै भारत दी झोली च घट्टो-घट्ट 2 चांदी दे तगमें औने दी मेद होई गई ऐ। 60 kg च सूरज विश्व होरें किर्गिस्तान दे नुरिस्तान सुइओरकुलोव गी 3-2 कन्नै हराइयै फाईनल च अपनी जगह बनाई। ओह हून फाईनल च सुन्ने दे तगमे लेई कजाकिस्तान दे ऐबेक एटबकोव कन्नै मकाबला करगंन। दुई बक्खी 68 Kg च सागर सिंह होरें सैमीफाईनल च सऊदी अरब दे मुंथिर अब्दुल्ला ए जंडू पर 4-0 दी Commanding जित्त दर्ज कीती। सुन्ने दे तगमे लेई उन्दा मुकाबला उज्बेकिस्तान दे Aytjan Khalmakhanov कन्नै होग।

<><><><><><>

IPL Cricket

आई.पी.एल क्रिकेट च अज्ज लखनऊ सुपर Giants दा मकाबला पंजाब किंग्स कन्नै होग। एह मैच लखनऊ च खेड्डेया जाहगा। मैच संजा साड्डे 7 बजे शुरु होग।

<><><><><><>

Weather

भारतीय मौसम विभाग नै कल तक्कर गर्म “लू” चलने लेई पूर्वी उत्तर प्रदेश- पूर्वी मध्य प्रदेश ते विदर्भ आस्तै रेड अलर्ट जारी कीता ऐ। मौसम विभाग मताबक अगले 6 शा 7 दिनें तक्कर उत्तर पच्छिम- मध्य ते पूर्व भारत दे बड्डे हिस्से च गर्म “लू” दी स्थिति जारी रौहने दी मेद ऐ।

<><><><><><>